



Inatsisartunut ilaasortaq Nikolaj Jeremiassen, Siumut
/ Maani

**§ 37 naapertorlugu apeqquteqaammut nr. 201-2013-imut Tuttut piniagaan-
erisa sivitsuallanneqarnissaanik pilersaaruteqartoqarnersoq pillugu
akissut.**

Inatsisartut suleriaasianni § 37 naapertorlugu tuttut piniagaan-erisa sivitsuallan-
neqarnissaanik pilersaaruteqartoqarnersoq pillugu Naalakkersuisunut
apeqquteqarputit. Apeqqut uannit akineqartussanngorlugu innersuussutig-
neqarpoq.

**Naalakkersuisunut apeqqut:
Tuttut piniagaan-erisa sivitsuallanneqarnissaanik pilersaaruteqartoqarpa?**

2013/2014-imi tuttunniarnissaq ukiukkut/upernaakkut 2013-imi pilersaarusi-
or-
neqarpoq. Pilersaarusi-
or-
neqarnerani 2012/2013-imi tuttunniarneq aallaavigi-
neqarpoq taamaattorli Pinngortitaleriffimmiit siunnersiuinerup allannguutai kiisa-
lu tusarniaanermi akissuteqaatit ilanngunneqarlutik, taassumalu ataani Pinngor-
titaleriffiup inassutigaa ukiuunerani tuttunniarnerup matuneqarnissaa.

Piffissat tuttunniarfiusussat siunnersuutigineqartut piffissami 13. maj-imiit 17.
juni ilanngullugu kommuninut, aalisartut piniartullu peqatigiiffinnut kiisalu
soqutigisaqartunut allanut tusarniutigineqarput. Piniartut peqatigiiffiiniit arlalinnit
tusarniutigineqartumut akissutimikkut inassutigaa ukiaanerani tuttunniarneq 30.
september ilanngullugu taamaallaat ingerlanneqassasoq, taamaliornikkut tuttut
nuliinerisa nalaanni akornusersornaveersarneqassammata. Ukiaanerani tut-
tunniarneq 15. oktober ilanngullugu ingerlanneqarpoq taamaaliornermullu ok-
toberip affaata siulliup ingerlanerani kulavaat amerlanerusut pisarineqarnissaat
siunertaamat, kiisalu tiggaat tippattut pisarineqannginnissaat siunertaalluni.

Tusarniaanermi akissutit tunngavigalugit ilaatigut aalisartut piniartullu peqatigi-
iffinngaaneersut piffissat tuttunniarfiusussat 31. juni 2013-imi Naalakkersui-
sumit akuersissutigineqarput.

Qulaani taaneqartut tunngavigalugit nalunaarutigissavara tuttut piniagaan-erisa
sivitsuallanneqarnissaanik pilersaaruteqartoqanngimmat.

Inussiarnersumik inuulluaqqusillunga

Karl Lyberth

29. oktober 2013
Sagsnr. 2013-091332
Dok. Nr. 1373228

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl